

ISCHEDE DE IS ATIVIDADES

S'atividade proposta tenet s'iscopu de interessare pipios, babbos, mamas e insinnantes in sa letura e in sa dramatizatzione de unu contu in limba sarda.

Sa letura podet èssere unu mèdiu de profetu pro apresiare is pipios a sa limba issoro e pro afortiare su ligàmine intre de s'emotzione e s'afetividade cun sa familia pròpia, mentres sa dramatizatzione isvilupat s'immaginatzione de su pipiu pro mèdiu de sa trasformatzione de is cuntzetos imparados in figuras e duncas in disinnos.

Atividade chi acrarit sa collaboratzione ativa in sa cale s'insinnante cunsinnat unu contu iscritu in sardu a babbos e mamas chi l'ant a lèghere in domo a is pipios issoro. Babbos e mamas ant s'impignu de ispiegare a su figiu cale si siat cosa non ddi siat crara (foeddos, atziones). Semper agiudadu dae su babbu e dae sa mama su pipiu at a dèpere fàghere unu disinnu de sa parte chi si subenit de prus, ca dd'est pràghida, dd'at incuriosidu, dd'at divèrtidu, dd'at emozionadu e gasi andende. S'atividade si cumprit cun s'iscritura in sardu de s'ispiegatzione de su disinnu.

Sunt prevididos tres atopus gasi partzidos, duos cun babbos e mamas:

• 1° ATOPU

Persones interessadas: espertu, insinnantes

Mustra de su progetu. Cunsinna de is contos in sardu.

• 2° ATOPU

Persones interessadas: espertu, insinnantes, babbos e mamas

Onni pipiu at a presentare, paris a sa mama/babbu su traballu fatu.

S'espertu at a coordinare s'atividade e at a dare carchi informatzione a pitzu de su bilinguismu e a pitzu de sa limba sarda e at a cumbidare totu a s'atopu cun sa professoressa Antonella Sorace, su professor Michele Pinna, sa dut.ra Maria Antonietta Piga e sa dut.ra Daniela Masia.

• 3° ATOPU

Persones interessadas: espertos, insinnantes, babbos, mamas e istudiosos

Atopu cun sa professoressa Antonella Sorace, su professor Michele Pinna, sa dut.ra Maria Antonietta Piga e sa dut.ra Daniela Masia, in su cale s'at a pòdere fàghere cale si siat pregunta e rechestas de acrarimentu a pitzu de is profetos de su bilinguismu.

Custu traballu est pro su prus dedicadu a is pipios e a is familias.

Durante su seminàriu is pipios ant a pòdere fàghere gioghitos cun is operadores a incuru de su grupu didàticu de s'Istitutu de Istùdios e Chircas "Camillo Bellieni". Su servitziu si mutit "Si moves sa LIMBA sa LIMBA ti movet".